

永樂大典

卷九百一

永樂大典卷之九百一

二支

詩 元詩三

元程雪樓集李氏八十詩。憶昔中公八十餘，故人曾為辦安車。太平天子思文治，會向山中訪禮書。又題許仲仁詩卷。殘雪詞林退食時，小聽開卷鬢如絲。音傳正始誰同調，氣逼元和稍自持。文字不隨前輩盡，風流却許後人知。霜清日冷梅花瘦，獨對爐熏看欲癡。胡祇通崇山集無題

此心本虛明，百欲日昏蔽。譬如鏡積塵，不復加磨礪。逾遠逾忘反，與馬牛無異。既無賢父兄，學校久亦廢。耳目所見聞，俱是雜魑魅。習熟為當然，寧復知慙愧。天道如循環，亂極應運治。英哉賈長沙，太息更流涕。可憐漢孝文，苟且承秦弊。茲時去古近，三代良可繼。失時而不為，令人增歎喟。

氣質苟不高，百為皆頊屑。趨向日污下，遂逐聲利轍。年來省前非，改圖當勇決。先奔至周孔，八聖吾慕悅。立德與立言，汲汲追前烈。求心即師友，自語自磋切。必待文王興，庸懦非英傑。松柏一出土，便與蓬蒿別。已見千尺姿，從渠歲寒雪。五十無所聞，因為聖人棄。則余已六旬，耳目漸昏曠。雖

永樂大典卷之九百一

一

逢庸鄙人，謂我不足畏。壯年不可追，知悔當自勵。倒行而逆施，斯言何自棄。莊敬日可強，憤排通必遠。壽考吾不知，力進王良轡。夜行固云差，失道苦不遠。天明得正途，歡喜忘呀喘。我車願堅完，我馬亦強健。白日雖過年，僕御皆再飯。周道直如矢，良辰未曠晚。聖域望九關，觀光得吾願。拘以形氣微，與天不相似。我心即天心，人天本無二。凡天之所為，我無一不備。克去形氣私，量包天地外。知化且窮神，述事而繼志。彌綸復裁成，了却大人事。衝霄霍去病，起身自淫奴。所知勸免隸，何者為隸吳。一朝當帝意，總節持兵符。出塞三十萬，入塞三萬餘。無人問二子，方略果何如。李廣飛將軍，受制於庸愚。既死不對侯，數奇良悲夫。賈誼真英才，王道乃素學。孝文好無事，欲為還鯨鯢。公卿盡庸愚，厥已忘起車。鷓鴣亦知天，飛飛人惟慢。不遇庸何傷，王道惜真漢。朝誦論孟辭，暮誦六經言。臨事毛髮比，一一皆差愆。此病果何在，不識我之天。我天殊不遠，性理即真源。真源一淵靜，動止合自然。泓澄百鍊鏡，流行派萬川。去月吁使君，今月吁奈卿。而我竟為誰，側耳隨呼塵。責賤不自持，甘為世枯榮。譬如畫家筆，汗流幾紅青。又如築夫幹，從人恣沈升。人生豈物耳，終老無定稱。夢寐驚龍舟，俯仰拘虛名。稟受作猛虎，一飽肉百斤。脫殼為秋蟬，餐飫風露晨。二蟲

各有適。不知天地仁。人出萬物表。反自喪其真。既美晉楚富。復傷顏氏貧。
物生本不齊。安能同一均。奪彼以與此。恣尤徒非幸。顏淵問為邦。樊須
請學稼。同在聖門中。人品自高下。執一不知人。玉石俱同價。所以三閭翁。
寧死不迴駕。曾中富義理。肆口能成文。區區既問學。漫費紙緝勤。余生
過中年。讀書頗有聞。物外不眩惑。少覺德性尊。聖域固云遠。循序亦能臻。
冥坐恨眼力。絕慮靜靈源。四十無所聞。安用瞻空言。母貪文字名。正坐
蠹塵昏。咕咕誰汝聞。何異蚊雷喧。書生太癡絕。甘愛古語漫。坐看青雲士。
龍馬來高棘。秋風墮木葉。蕭蕭走前軒。歲序與流水。冉冉相馳奔。好事
得入手。急行能幾多。况復墮閑散。萬慮成跬趾。惟餘誰作祟。搜扶傷天和。
後優靈府間。起落如翻波。以茲銷年光。寃哉雙鬢皤。佐命惟勳舊。忠清
三十年。赤心思報國。白髮要寧邊。夢破烏江月。神迷瘴海煙。忠宣拜嘉謚。
未讓伏波賢。得死公無恨。思賢民自哀。方期當柱石。奚想使泉臺。廟貌
祭如在。銘旌哭遠來。從今調鼎手。誰繼作鹽梅。七十衰翁與世疎。關心永
日共安舒。却緣當路憐。愚直時有人。求紹介書。昏衰敢不慎。許可疎散
竟能誰重輕。周道從來直於矢。並驅九軌儘寬平。高下洪纖無棄物。兼
收並蓄廟堂權。固知滄海能容物。香菴胡為敢薦賢。書到身言已失人。

永樂大典卷九百

二

况將末法委沙塵。只憑留火懸明鏡。黑白妍蚩總識真。神游八表隊麟
姿造物無私却。有私鍾秀十年猶旦暮。何妨異代不同時。龍眠高趣惜
英才。誰問先賢與後來。霽月光風同一處。寫留人世洗塵埃。每愛高風
蓬社圖。當時果有此容無。龍眠何處曾相遇。夢破三生向日吾。黃塵擾
擾萬蚩蚩。仙人幾何同一漚。珠重畫圖聯杖屨。免勞神夢覓從游。雪壓
茅廬風滿林。野鷗寒鴈共昏陰。畫師暗隱無窮意。何處漁舟不可尋。萬
里清江一葉舟。月華西去水東流。傷心不見魯連子。何物人間萬戶侯。
應命趙孟頫詩。丹青難細藝。能者皆高人。請看宣和譜。品分能妙神風
雲湖海士。廟堂名節臣。曾次同造化。慘淡人經營。天地生萬物。我筆能奪
真。凜凜冰雪冬。熙熙花柳春。嘗觀蓬社圖。真宰差凡塵。世無王黃華。清論
不復聞。銅臺趙濟之。素言期世珥。筆跡我未見。詩卷何輪囷。許與多名士。
定如詩什新。古人家數中。當與誰等倫。鄙俚敢新惜。酬報當殷勤。寄我數
十幅。黃華我比鄰。王仲畧之子持卷求詩。仲希能尚友。道山善忘年。
革聖新樂章。子孫亘世傳。邇來風俗薄。情以勢利遷。漠然見父執。手澤隨
棄捐。仲略吾世契。有子乃爾賢。迄命四十年。聖光猶炯然。秋澗題詞辭。廣
文贈佳篇。不鄙賤棄朽。千里來乞言。乃伯辭理盡。援筆運自憐。願言通家

永樂大典

卷九〇一

好世世金石堅。偶成人材應時須。用舍美在己。所以掩鼻笑。正恐不
先耳。生與會等伍。背汗增愧恥。蟻蟻既隨地。未見寒餓死。可憐奔竄徒。賤
辱無不至。蹴爾而與之。乞人且不視。愧磊胸中十萬兵。故從早樞默無
聲。驚回九合諸侯夢。一曲高歌獲上卿。舉選科亡棄實才。紛紛詭計起
蒿萊。誰知牛口寒微隸。一論齊疆萬里開。小白雉關五霸原。一時賢相
炫乘軒。只知國富兵強術。不向尊周掛一言。退食委蛇百慮新。漫誇事
業在經綸。來時偶作登龍客。無術慙爲入幕賓。莫喜肥甘潤枯質。曾無思
澤到斯民。馬前走卒休喚咤。八議潛歸市井人。每恨平居不我知。問渠
今日竟何施。因人碌碌漫成事。舉世庸庸與易謀。委順漸如隨侶。馬剛後
自笑。脫囊雖一杯飽食黃梁飯。睡足槐庭畏日遲。命安齋主寄詩來。把
翫歌吟卷復開。似厭羲皇閑日月。要同俗吏走塵埃。只知芻豢填牲腹。不
識青黃是木灾。試向碧天清夜望。惡雲妖霧鎖三台。年嗽陵陽集。戚子雲
袖詩見過。且爲叙先祭酒。與先人同朝之雅意。甚古用韻爲謝。白髮祭
酒公儀形古。君子多士所共敬。豈獨桑與梓。吾翁幸同朝。筆路時並營。治
風日以遞。追慨徒倚徙。子雲爲世誼。竭來自攜李。念我一破廬。落落荒城
址。遠以五朵雲。置之五雲裏。我是老祠官。未忘鏡湖水。握手更細論。書味

永樂大典卷九〇一

三

淵以旨嘉聞。有青衿十載詩。于紙失題。篇章餘事等嬉游。尚想揮毫
剪燭秋。從古殺青徒自苦。只今醉墨可能求。忽傳鷺立沙頭句。又見鴻歸
天外州。襍研去來須猛省。不由自己更誰由。王梅泉生日惠詩。次韻答
之。堪笑衰翁作計狂。又隨琴看到魚梁。未秋早覺凋蒲柳。已老安能種
豫章。誰似讀騷仍飲酒。有時贊易自焚香。梅邊有約君應記。但愧年來久
履觴。趙石心詩。試問吳兒歌小海。何如廣平賦梅花。一片心石無不
死。平生不落徐庾家。趙子陳陳有旨府。雲根半夜生槎牙。有時盤空吐硬
語。更覺世上浮且夸。誰能爲蕤青藜杖。苦毒荒盡天祿與辟邪。予與會
孟同游古心先生之門。死生契闊。今見其十年前與仲實詩。初既追和
予亦繼焉。援援人間萬事塵。舊交無奈白頭新。此翁固是同門友。今日
真成曠代人。千里賞音知絕識。九秋落木見橫陳。也休頻把遺篇看。說到
銅人更陰神。劉靜修集佳木交清陰。欣然動人意。况聞翁之風。能不有生
氣。此翁少有兄干戈。鄉縣異哀鳴。念羈孤相思。勞夢寐。自誓畢此生。復爾
數聚遂千里。三往還。竟扶筇與至。夜雨一方床。春風滿天地。家無十歲僮
百役。一身寄效兒。浣厠喻代。婦理中饋。生忘悻獨憂。死免道路棄。關河隔
故丘。走送徇歸志。大義今已全。初心始無愧。翁本不識書。所知惟藝事。作

詩美翁賢亦以警士類 擬古 孤燈皓素色寂寂虛堂深傷彼蘭蕙花
 蔚蔚芳幽林美人天一方佳禽響遠音我有一卷經洞徹天地心我有一
 寸鐵蕩除妖氛沉心定有天游淵乎秘中襟所得不可說此理神其欲
 浮雲翳陽景靈颺扇我衣男兒志萬里誰復傷別離我生十五年世事猶
 未知慨然慕意氣遠與千古期高風不易攀俗紛亦已羈所智必我拒所
 期必我違哀歌仰天問生我亦何為撫劍一太息晝夜中情馳人生天地
 間太倉稊粟微苟無金石安耐此日月飛雷勉玄髮歎勿取塵世嘆一笑
 群憂夫三五萬事非豈不志功名名來未遲萬物各有時時兮不再違
 憶昨初讀書人曰飢寒甚今日追斯言誠哉不我欺屠龍無所用不如
 學履穉鏤卸非所披不如囊中銀多少白面郎屈節慕身肥奴顏與婢膝
 附勢同奔馳吮癰與舐痔百媚無不為丈夫寧紙死豈與需臍期鴻鵠凌
 雲志燕雀焉能知二禽登寥廓斥鴳笑藩籬世能盡依鬼吾將誰與歸
 凡物能振厲即見生意融慢氣或少施衰颯不自充志至有定位敬勝多
 奇功強哉復強哉德業將日隆 雜著 人生豈不勞終古謂之然孰是
 都不營早起暮歸眠過足非所飲躬耕非所難但使頤無違甘以辭華軒
 正爾不可得在已何怨天自古有黔妻被服常不完榮叟老帶索飢寒况

永樂大典卷九查

四

當年何以稱我情賴古多此賢善惡苟不應鬼神昧茫然是非苟相形行
 止千萬端世路耶悠悠聊且憑化遷居常待其盡任真無所先詩書塞坐
 外弱子戲我前親戚共一處餘棘宿中田促席延故老斗酒散襟顏聊以
 永今朝百世誰當傳 絕句 溪童出門望鷓鴣滿空下江水淡無情盡
 是忘機者 今朝客為求文至昨日隣嫌借米移木枕質錢多舊帖看囊
 不必要新詩 出門已坐十年蓮擇地寧容一物棲弊帚萬金空自許青
 雲平地欲誰梯長庚只合陪殘月眾楚安能立一齊醉裏商歌動寥廓飛
 鴻淡淡夕陽低 雜詩 聞昔飛狐口奇兵入擣虛人才九州外天道百
 年餘草木皆成騎水冠盡化魚遺民心膽破韓說戰乎初 關嶺通山後
 風誰採路傍地寒人好壽草淺畜宜羊用水如奴婢從川貯米糧西風如
 有約來與即吾鄉 堯山唐故國淳朴帶遺蹤種果收奴刀闢田享素封
 來收多上藥景仰近神峯夢寐驅黃犢巖居一老農 冀北高寒境英靈
 海嶽全期文若程邵家世亦幽燕祀典今誰舉遺經會有傳吾鄉此盛事
 瞻仰在侏年 何事招提好山深馬可驅松葉低映帽竹潘細通厨霜果
 千封戶雲屏四盡圖冠巾如我用白鹿起規模 巖居訪高道少日在風
 塵回首話前事低眉厭此身江山資冠盜田畝化荆榛領將天倫重無君

愁殺人。水繞千山合。雲藏數畝荒。初尋香有陣。漸入翠成行。豚奔依危石。牛蹊帶小塘。園茅奄如畫。可惜是遊亡。一語喚醒瑞巖老。千言不昧草庵歌。閑人爲向忙人說。佛法元來本不多。老兔離離自有春。壺冰徹底照來真。驢鳴畢竟渠皆聽。解識天機得幾人。水華庭草思悠然。風月濂溪有正傳。二十四年程主簿。已知隨柳過前川。天教觀物作閑人。不是偷閑故隱淪。要識邵家風月興。一般花鳥華山春。寒氣嘗侵一半春。詩家道體說來真。不教曉入雄雞口。誰喚南窓打睡人。湯鼎石壇老眼親。陰陽誰見在中伸。年來併識顏家樂。十月天教齊愛春。漫記天幕高懸兩部蛙。水光山色照黃家。忘情未使真忘得。憶竹栽蘆強自誇。我自無行即是載。更將何物要船先。東澤幸有牛溪在。却向長安說醉鄉。百錢破釜發長嘆。一局贏棋爲解頰。擾擾自無安脚處。幾人打透利名關。應物何嘗累我真。禪家怖死強忘身。昨朝一讀雍行錄。卻笑當年墮甌人。漫題乾坤未覺化機停。世態難逃醉裏醒。共見白雲入蒼狗。豈知蝶蠶即螟蛉。偶作爲貪風月重登臨。感慨幽懷不易禁。靜裏形神君與我。眼中興廢古猶今。區區此世真何物。落落平生只寸心。聞道江湖好煙水。飛鴻滅沒有遺音。偶得血氣雖衰志愈真。近未溫故覺知新。久

水樂大典卷九百

五

貧多待鄉閭。故漸老惟於道義親。日月消磨三樂事。乾坤俯仰一閑人。興時卜築唐溪上。分得先民五畝春。自覺筋骸老漸頑。曾經堅脊度危關。清霜烈日留身後。秀氣春風拂坐間。自有顏波如砥柱。莫教秋色避南山。雲鵬稅駕今無地。興點江鷗盡日閑。即律楚材湛然居士集。敏之學士。遠寄新詩七十韻。捧讀之餘。續貂以尾。聊資一笑。壯年多軼軻。晚節數行藏。故園頽網穢。新朝明德香。雄材能預算。大壘固難量。迭出神兵速。無敵我武揚。本圖服叛逆。何止窮搗張。西討窮于闕。東征過樂浪。慧使天臺塵。光動太白銍。整整車徒盛。鱗鱗旗鼓望。天皇深責重。賢帥廟謀臧。江右將禽楚。河陽已滅商。英雄皆入彀。強禦敢跳梁。採訪軒車開。司農官吏忙。輕徭常力足。薄賦不財傷。勲業超秦漢。規模邁帝王。流言無管蔡。奇計有干良。增葺新文物。耕耘古戰場。蛟龍方奮迅。鵬鷲得翱翔。偶遇風雲會。爭依日月光。永麟千古恥。一怒四夷攘。虎帳十年夢。龍庭幾度霜。迎風初請命。出郭遠相將。久敵真宜死。寬恩何敢當。教書民有幸。歌詠壽無疆。扶杖聽黃詔。稱觴進白狼。散財竭庫藏。拔將出戎行。股絕仁猶在。周傾道不亡。未招燕郅內。入覲大倉傍。戎服貂裘紫。星軺駮馬蒼。中春辭北望。初夏遇西涼。瀚海涵而湧。陰山徂且徂。閑雲送去路。踈雨潤行裝。出處空與嘆。風光

自斷腸。典刑陳故事。利病上封章。天下援深游。中州冀小康。風俗承先軌。壽策要優長。痼疾如神附。遊魂笑鬼依。仁術能骨肉。靈藥起膏肓。避禍互緘口。當年肯括囊。遺讓心欲剖。涉苦膽先嘗。北漢絕窮域。西隅抵大洋。詩書猶不廢。忠信未能忘。亂補連腮帳。繩穿朽脚床。郊行長野興。人靜若禪房。四鵲文遊熟。崑崙事跡詳。風煙多黯黯。雲水兩茫茫。災變垂乾象。妖氛翳太陽。髯龍三島去。奕葉一枝芳。明主初登極。愚臣敢運狂。九時從帝錫。五事合天常。大樂陳金石。朝服具冕裳。降升分上下。進退有低昂。拓境時方急。郊天且未遑。應兵無血刃。降虜自壺漿。素堵無更肆。因畝不餽糧。宸心尊德義。聖政濟柔剛。恩澤涵諸夏。威稜震八荒。勢連西域重。天助北方強。舉我陪三省。求賢守四方。錦衣指花褐。肉食棄糟糠。隱逸求新任。流亡集故鄉。百官欣戴舜。萬國願歸唐。耕釣咸生遂。工商樂未央。會將封泰岳。行者建明堂。每嘆才雕美。長慙學面牆。君恩予久負。賢路我深妨。履跡恒憂懼。持盈是恐惶。故山松徑碧。舊隱菊花黃。大守方遺馬。初平政牧羊。厚顏居此位。若已納於隍。吟嘯須歸去。香山老侍郎。雲漢遠寄新詩四十韻。因和而謝之。允文符大一。天相忝文昌。泛海難追蠹。封留欲學良。穢形伴珠玉。朽木廁松樟。直節心雖赤。衰年髮已蒼。伴食居相府。無德報君

水樂大典卷九百

六

王。草甲濡春雨。葵心傾太陽。大權歸禁闕。成算出巖廊。自北王師發。平南上策長。皇朝將革命。亡國自頹綱。漢水偏師渡。長河一葦航。股肱無敢墮。元首載歌康。號令傳諸域。英雄守四方。大勳雖已集。遺命未嘗忘。萬國來馳幣。諸侯敬奉璋。元民溘舜德。百郡仰天光。大有威如吉。重乾體自強。碩賢起編戶。良將出戎行。太廟陳蓮豆。明堂服冕裳。宋朝微寇滅。皇嫡久成戎。政亂人思變。君愚自底亡。右師替入劍。元子直臨襄。殺氣侵南斗。長庚壯玉堂。弓猶藏寶玉。劍未識干將。皇業超千古。天威聳八荒。元戎施虎略。勇士展鷹揚。武繼元封跡。文聯貞觀芳。官庭敢諫鼓。帷帳集書囊。佇待卿雲見。行觀丹鳳翔。武文能迭用。威德是相當。多士思登用。遺賢肯退藏。詩書搜鳥篆。功業仰龍驤。國用恒無闕。民財苦不傷。八音歌頌雅。百戲屏優倡。聖澤傳朝露。明刑肅暮霜。永垂塵劫祚。一混九州疆。重任司鈞石。微材匪棟梁。思歸心似醉。感媿淚如滂。駸子終辭漢。黃公合隱商。窮通真有數。憂樂寔難量。雖受千鍾祿。何如歸故鄉。與賈仲論詩。論詩夜夜費膏燈。與壽玄機似衲僧。示我鵬南圓覺海。欲乘桴去未之能。和彥長老絕句。生死與涅槃。都如昨夢耳。覺後笑呵呵。無彼亦無此。只識甌盤不識金。甌盤釵釧本真金。一從打破疑團後。物物頭頭總是心。高處英索

永樂大典

卷九〇一

詩強爲一絕。一川秋色滿東籬。雁字行行自寫悲。試問省庵何所省。黃
花紅葉總堪詩。錄寄新詩呈冲霄。冲霄酷愛玉泉詩。媿我年來無好
辭。錄寄新詩三十首。莫教俗子等閑知。松月老人寄詩。因用元韻。談
禪講教不知家。芳草漫漫去路差。朽卜虛聲木老皴。盤星錯認洞山麻。全
無去就論空色。誰有心情說照遮。松月野僧須薦取。釣魚人是老玄沙。劉
文貞公集古詩泛言一百二十一首。天地合二五。蒼蒼皆所生。人爲最
靈物。秉彝初混成。嗜欲既開鑿。昏雜難自明。聖人設教化。同復純粹精。
乾坤六合中。道義皎如日。人心動靜間。應對二而一。爲善有高明。爲惡無
暗室。小人恃之凶。君子修之吉。聖人所定正。易書詩春秋。如天有四時。
不息長周流。集義充浩氣。賢哲知當修。拳拳畧無怠。歲久同交游。是穀
得土生。農夫柰勞苦。時或偏雨暘。功須旋添補。不耘苗不興。助長大莽園。
隣翁慶有年。心休生蠹蟲。天地有晝夜。日月或升沉。聖賢平道義。體古
運明令。窮通無損益。一貫存中心。貧賤既不濫。富貴胡能淫。放心宜早
收。無令志馳逐。安宅寬有餘。正路直無曲。雨露晝夜間。滋息牛山木。血氣
易致衰。嗜欲何時足。人生天地裏。心腹居人中。萬事貴中立。中立無不
道。偏倚過不及。其道非由公。公心普明明。白日懸蒼穹。有身須有心。有

永樂大典卷九百

七

心須有事。有事須有誠。有誠須有至。至者無不通。通者無不遂。遂者存於
公。公者合乎義。聖人立人極。法象師乾坤。乾坤周四德。萬物生春溫。生
生復化化。至善榮心根。文藝屬游泳。道義長推尊。天地運四時。四時行
萬事。人居天地間。一理貫無二。用事體其時。上下自合志。合志義在中。中
在正可示。至道體無朕。一理長分明。廣大備天地。二五合生成。惟人號
靈物。乃有純粹精。立極定中正。乾元亨利貞。人欲蔽天理。不明同暴棄。
復來還復來。復至無復地。乾坤動靜間。浩然充集義。存神過化時。昭然見
誠意。人生一百歲。世事千萬端。今日有明日。取次凋朱顏。詩書同造化
移物勝還丹。少壯當努力。寸晷休虛閑。遇惡改所同。見善遷未及。三人
必有師。存心莫偏執。寡過體時中。性成如素習。聖門永不闕。肯來皆得入。
道義畧無間。時命或有窮。無間必當敬。有窮莫俟通。在此不謀彼。行處
惟宜從。雲雷遂經濟。枯草生華風。富貴非永持。人皆有天爵。可求不可
求。趨香無交錯。幸得啓私懷。才術展穿鑿。須知君子心。義外都無託。爲
教首孝弟。爲治先農桑。大綱若能舉。衆目還自張。天下本無事。庸人何太
忙。春風動黃閣。萬物生輝光。三獻兩遭刑。克誠終不惡。良玉苟蔽藏。足
在將何若。紛紜薄子心。盡道古人錯。願學古人錯。莫學今人薄。斜月挂

樓角秋色夜還多。閑雲自巖壁。林鳥思舊柯。青山豈過遠。白日空蹉跎。春風幾時來。一一吹青我。梧高鳳不來。一葉凋金井。幽人想鳳儀。依梧屢延頸。雁宿蘆花灘。鳥飛明月影。白雲不覺秋。西風江水冷。南山有佳氣。北嶺遙相望。歸禽噪高樹。煙水明夕陽。雲霞淡無色。草木翻青黃。湖明不飲酒。離菊為誰香。閑雲不肯飛。戀著西山住。長風不惜情。吹散無尋處。山下有幽人。携筇日成趣。向晚獨歸來。茅齋樂貧素。大賢守易簡。一物曾不差。庸人騁私智。展轉事如麻。千慮苟一得。後世爭相誇。源遠流不返。何處尋歸棧。清泉日夜流。知爾有憑據。盈科運入行。一息不停住。碧雲出山來。不想還山去。佳人望眼花。鴉亂天將暮。高明若有畏。下愚安敢欺。凡生在穹壤。有性寧無知。恃出必恃入。相運如刻期。孟子既不妄。反身奚復疑。絮矩譬良匠。忠恕道不遠。橫逆忽來加。平心宜自反。既直徑可前。稍屈使當枕。君子之德風。何草不能偃。三十至四十。又覺十年非。後事不能慮。今日當知歸。春風吹好夢。踈牖明朝暉。北山存蕙帳。猿鶴久忘機。一水東北流。悠悠入滄海。一山西南橫。青青色不改。中有讀書人。書中見真宰。如妝明月珠。暗室生光彩。李白淡蕩士。高明四海聞。為愛一杯酒。辭却萬乘君。還山酌明月。明月埋陰氣。長風爾有力。為我披浮雲。

永樂大典卷九百一

八

可愛王右丞。幽情因畫託。寫出無聲詩。胸中興丘壑。巖樹綠婆娑。秋風也吹著。日月曾幾何。密葉不凋落。三老煙霞病。沈郎風月愁。各自有佳趣。未肯同追遊。黃塵滿行路。路遠生白頭。長江鼓高浪。迴舟不自由。我我太行山。清清磐谷水。山色共見佳。水味誰知美。去問李先生。萬事果如此。先生一點頭。無言有微旨。南風差有力。吹散浮雲陰。佳人慕君子。策杖同幽尋。豈無一尊酒。慰此方寸心。明月來相照。歸鶴集暮林。群水為誰流。孤山能自立。寵辱不驚心。到此要熟習。玉井有清泉。百熱除一吸。渴者莫號呼。鯁短苦難汲。駟馬相如貴。六印蘇秦運。漁父不識字。長伴鳧鷖閑。汨沒是非裏。奔走塵埃間。十年不改舊。青眼望青山。風雲恠淡中。干戈橫五季。希夷隱華山。昭昭見天意。百川自東流。孤蟾亦西墜。扶桑日出來。新新猶新睡。純袴仕宦內。布衣稠人中。不謁萬金富。甘受十年窮。詩吐清明氣。酒洗磊砢骨。百尺高樓上。幾箇陳元龍。海東有蓬萊。神仙居絳闕。閑人一草廬。無才罷干謁。萬籟寂不聞。孤雲亦如歇。虛室生清光。高山吐明月。木落不怨秋。花開那謝春。榮謝自然道。誰是道中人。道人不可識。滿目飛黃塵。荆山雖有玉。水淺石磷磷。落花不著枝。啼鶯不賦口。東風未肯開。漢邊弄楊柳。幽士一茅廬。塵路厭奔走。枕上看青山。薰風入

南嶺。小池流水細。皓月秋風清。風水一琴響。月池雙鏡明。天晴夜寥廓。斗轉參斜橫。吾家樹枝穩。烏鵲綠何驚。孤心應有悔。萬事但無柰。歸雲入好山。砥柱謝顛瀨。清泉灌稻畦。生涯非分外。冥鴻任往來。天宇自寬大。孔子有美玉。韞匱而藏諸。善賈是貪利。有求無不沽。中年亦云往。九夷皆可居。我不孤天下。天下寧我孤。寡言養精神。多慮困心力。忘情不及情。鮮有中庸德。守六知地貞。用九見天則。自反既能縮。所向無寬窄。獻書自可薦。選士果誰賢。宰相調九鼎。將軍安四邊。北溟有鵬化。南山無約眠。子孫千十世。乾坤萬萬年。地庫藏寶刀。天機藏雲錦。錦成刀所截。段段稱絕品。製為天子服。用人要詳審。萬一得其人。九重可安枕。聖人揭日月。小子囊螢光。照照不能遠。飛飛空自忙。誰啓聖人道。能止小子狂。未此日月下。置彼收管囊。鳳凰食琅玕。烏鵲啄糠粃。試與琅玕食。禱頭終不唯。欲問何所為。只知糠粃美。儻有食之者。必是鳳凰子。賢人輔九五。天下歌升平。一朝開正道。萬古垂鴻名。名爲世所尚。道乃人當行。道行名自行。苟取夫天成。名器慎所守。非人履公餗。有功然可封。無德豈宜祿。勿矜才有餘。當憂道不足。能用心休休。天下皆受福。爲愛山中境。長見山中人。山人解服鍊。體健心無塵。流泉既清耳。孤雲還伴身。相邀坐孤石。

永樂大典卷九百

九

語默而情真。潺潺何處來。澹澹清人耳。尋聲到山腰。有泉漱石齒。元坐聽不休。天地皆同水。日暮下山來。山上白雲起。問闔林中鳥。優游波上魚。不知有弋釣。綠近道人居。道人日蕭散。魚鳥長自如。飛花飄戶來。亂點讀殘書。枝頭載好音。黃鸝初弄舌。春工物色華。處士生謀拙。囊空無一錢。吟嘯當佳節。楊花不肯飛。堆作堦前雪。江海繞閑寒。車馬衝塵埃。功名果何處。萬里勞英才。梅逐雪飛去。柳傳春到來。若無一樽酒。懷抱賴誰開。白石不可埤。青山未能逐。富貴吾有天。賞畫豈當蝓。秋風自西來。未忝推黃紙。東家酒熟時。爲我留一醉。幽林通一徑。中有野人家。不知堯舜道。耕墾爲生涯。父祖有遺訓。農事勤桑麻。爲問何時節。桃李始開花。車去馬還來。充塞長安道。一自鬢生華。五湖歸豈早。行客兩晴時。共愛青山好。却恐住山人。不肯山間老。草舍清溪上。車馬少經過。江山麗春日。鳧鷖戲晴波。東風弄楊柳。好鳥來吟哦。歸舟沒煙靄。隔岸聽漁歌。何物比君子。牕前幾竿竹。夢斷落雪聲。清風滿茅屋。草瓢生有涯。顏子自知足。春來桃李花。紛紛動人欲。晚月當牕白。薰風到枕清。驚破幽人夢。樹頭聞鳥聲。起來催盥漱。案上書縱橫。開卷得餘意。惟自知幽情。冰泮百川流。春來萬花發。清風動黃閣。麗日明丹闕。不飲貪泉水。誰俛首陽巖。連客

幾時歸子規啼曉月。秋霜傲夜飛。肯恤山前草。孤松倚北巖。千年不枯
槁。至誠久自通。天地有常道。悠悠世上見。只見眼前好。宿鳥落高樹。夕
陽下弊廬。亂木雲覆盡。道者靜看書。得意首頻點。無言心亦虛。世情難混
雜。不是與人疎。葉落林自疎。林中見來往。豈知林外人。天地更高廣。最
和行四時。萬物有消長。青雲照碧溪。古今同俯仰。眉頭但舒展。生涯願
有些。十年何所積。文書載五車。富貴眼前花。開卷自能遮。出門見新月。一
曲玉橫斜。天地設如機。日月忙於織。白髮換青絲。生謀太相通。蝸牛兩
角間。抗敵觸蠻國。紅白桃李花。隨分有春色。青女侍白帝。夜作秋霜飛。
草木盡黃落。松柏獨何依。地白江山老。月明星斗稀。憑誰把鄰管。為我喚
春歸。東園勝可游。長携一壺酒。天地豈無情。春風盡花柳。新弄桃李蹊。
幽禽喚回首。午醉乍醒來。城樓橫北斗。隴帳靠林水。清勝讀書堂。白雲
自來往。六合包混茫。人皆惜春色。我亦憐時光。千金買不住。老却富家郎。
曾遇終年飢。菽粟亦知貴。若受三冬寒。細絮肯輕費。淡淡聖賢言。省來
真有味。臨事能不羞。天地入經緯。行雲不行雨。長繞陽臺飛。高唐夢已
斷。巫山空翠微。宋玉謾為賦。仙娥何處歸。此事果非誕。滋風禮所譏。織
女連夜忙。衣袂未遑赤。田夫帶月耕。朝夕無米喫。私家亦云賒。官中輸歛

永樂大典卷九百

十

急都城買笑即。千金不愛惜。君子有佳會。由禮相追陪。時當置肴核。要
與春風期。酒歡不在醉。莫訝盃行遲。桃李侍明月。人生多別離。事兄貴
開人心。孤慕良友。松泉著夜涼。寬襟一盃酒。薰風捲薄陰。明月入我牖。誰
似陶淵明。彭澤謝官守。羲和挽六轡。舒此夏日長。薰風何處來。惠我南
窓涼。詩書在前几。開卷心生光。富貴是何物。世路爭奔忙。策杖過前村。
黃雲看禾稼。行行重行行。行到西山下。都城人事多。飲食曾不暇。念此百
年身。合得幾時假。禮一分有殊。尊卑蓋天命。萬世錯亂門。立名皆自取。
治國如養生。飲食要溫清。元氣若能調。五臟安得病。寬猛政事和。賞罰
吾人進。蒼生際海隅。十室有忠信。知可使當行。見弊宜宜順。萬事不剛生。
到頭無悔吝。開國賴王師。經邦在良弼。君擇將相二。民歸法令一。事陶
格有苗。周公戒無逸。茫茫天壤間。得人諸事畢。井田既不分。誰肯各安
分。一無磨石階。一有萬斛運。穴蟻已知歸。冥鴻更求進。一日利源開。千年
塞不盡。先行言後從。言行本無二。富用忽羞池。却是兩件事。海棠花無
香。玫瑰條有利。君子慎樞機。下流多誘議。服順自勞謙。操券生不讓。長
峽傾瀑流。滄海有容量。百司遵豆間。三公廟堂上。巖巖南山石。赫赫萬夫
望。陽春足舒暢。嚴冬苦悽慘。東風儻有翅。萬物有深感。天君子自為日

永樂大典

卷九〇一

月代周覽。高明既聽卑。誰非露肝膽。禮義不自持。機防為誰險。善小尚人稱。惡大定難掩。言行君子樞。顛沛要拘檢。一出難再進。所生安可忝。語默非不誠。寸心惟自得。人情利害間。萬牛空費力。昨日園中花。今朝路傍棘。四海皆兄弟。誰是真相識。金石亦要穿。忠義果如此。忘身遺道行。虛名半張紙。誰云生可輕。事蓋有當死。嫂溺不為援。斯豈人情耳。藉地用白茅。君子過於厚。疾惡矜不能。仁心人固有。浮生都百年。損益在三友。客從遠方來。木李報瓊玖。天地總生成。義和調四運。邪正忽交差。陰陽有逆順。暑氣千春溫。牛喘恐行近。蒼生喘更多。邵公胡不問。赤子將入井。游絲命懸死。客從何處來。赴救如有使。餘情豈暇生。惻隱自及此。乃知人心仁。不獨于其子。老黃拜後將。關公恥同列。使以親善論。能變怒為悅。一語開人心。萬事自明微。千里未同風。連床無話說。今人有聲詩。古者無瑕璧。詩傳璧可懷。兩物俱當惜。東西十五年。只作塵中客。詩不堪壁論。路人多眼白。青女行雲秋。薛菊開金餅。姮娥在月宮。盛比人間冷。詩客未忘情。得句忽如省。鷺鳥不肯眠。庭梧轉踈影。以殺若止殺。離離愈難雲。四海聞兵威。草木沾腥血。願天生護獸。食盡人間鐵。無以鑄兵器。戰爭應自絕。游魚樂水深。歸鳥忘林迥。飛潛固不同。所適情無等。達人無已

永樂大典卷九百

十一

事。山林在鍾鼎。紛紛嗜欲間。恬淡定誰肯。太山庸寸雲。須臾徧天下。中有行兩龍。祈祈濟枯稼。如何根莠安。越壘敢相跨。孔明荷鋤鐘。茅廬自開暇。虎狼亦有仁。同類不相食。人生天地間。往來幾能息。大路偶遭逢。何暇裁荆棘。行程大家忙。轉首各南北。乾坤處處寬。萬物自促促。蝸牛兩角間。戈戟未曾息。古往今又來。到底誰為得。青山爾何能。束手推群刀。本是山中人。長作山外客。幾年不還山。頭髮半斑白。鴻去又鴻來。寒暑太相迫。鵬飛不到邊。誰謂乾坤窄。白璧本無瑕。相如元妾作。連城既不還。奪與有何錯。後世少窮源。公流漫穿鑿。私智得縱橫。丹心總難託。春從何處來。楊柳黃金色。堂前燕子飛。恰似曾相識。碧雲望眼中。佳人沒消息。青山一片石。目斷情無極。明河天上流。運向地中落。地神不能收。放出一杯杓。源源成江湖。漫漫通海漢。蒸氣化雲騰。結為雷雨作。忠義蒸世推。囊故不足法。晉人疎禮度。謙恭為福狹。如意擊珊瑚。後殺氣相壓。迷途不知反。社席動戈甲。秋霜著菊枝。夜雨打梧葉。幽士一檠燈。文書苦涉獵。青雲惜蹉跎。白髮歎煎業。隣兒不識字。夢斷雙飛蝶。明月不可攀。去地八萬里。姮娥住月宮。孤清更誰比。幽人步閑庭。夜色涼似水。足下玉塵生。薰風吹不起。閑情與時通。野興臨漢多。斜陽在高樹。鶯鶯浮清波。春

先輝花柳好風來自和。孤舟淡煙靄。隔岸聞漁歌。為善蓋本分。成功皆偶然。脚下自有地。頭上誰無天。萬事莫勉強。一誠須精專。盡其在我者。鷄蟲非所偏。天地兩儀間。君子有容德。誠厚於中情。詩人解不通。干將與莫邪。觸物豈常克。上善非善爭。袖手推鋒刃。仗屐一杯酒。暖氣如還丹。霜風飄沙漠。不覺衣裳單。故欲面上熱。絳綈心頭寬。若得海為酌。應迴天下寒。今古混茫中。誰能窮鄙美。孤憤與獨醒。入我寬懷裏。一日醉一場。百年都有幾。秋霜上鬢來。春風吹不起。既往莫能挽。將來運許思。只除打見在。一日十二時。遇酒醉於酒。得詩聯作詩。物情各自適。天意元無私。神壺容宇宙。槐蟻夢公侯。說破不為怪。一天長江流。高峯有明月。桂寒風露秋。剪剪步庭際。聽遠啼猿幽。騏驎困驚駘。蘭蕙蔽蒿草。懷才避世者。豈愛林間老。善道不容行。浩養樂天保。儻有乘時為。佩玉心如槁。山澤先龍蛇。窟穴聚鼯鼠。不肖與仁賢。豈可同時語。寒鴉集暮林。孤雲去無侶。德輶一鴻毛。鮮有人能舉。尺蠖屈求信。龍蛇蟄存身。胡為不前進。賢者恐傷仁。顏淵惟樂道。原憲不憂貧。優游任特運。未見德無隣。百年駒影過。一衲野情幽。順友開三徑。從塵飛九州。有山橫眼外。無事寄心頭。勿道閑人貴。閑人只自由。朝陽山色麗。秋吹水聲清。欲上雲峯去。還登石

永樂大典卷九百

路行搭筇林下憩。聽鳥樹頭鳴。無人知此意。一笑自為情。煙霞城畫夢。一覺睡何甘。忽被風吹破。清人月滿庵。出戶看天色。斗柄已迴南。暮見松搖影。只疑龍出潭。高望四無樹。虛心地寬。無聲風裏鳥。飛上白雲端。孤山枕林水。細路之盤桓。夕陽添暮景。更與好生看。山跌雪更覆。岩室雲猶封。不是想夫慎。幾人能得通。艾香坐白晝。飛鳥盤高空。細聞無調曲。澗下有松風。欲道却不道。匪癡常似癡。儘教人話笑。自是我心知。補袖既遮體。蠶食又解飢。固能貧且樂。安敢強施為。元劉秉忠讀李杜詩集。因作適時歌。以呈諸友。讀杜詩增人愁。讀李詩銷我憂。李杜文章一元氣。回旋萬古開。冥搜文經武緯。繫天地。輔贊化育。猶公侯。愁復愁。何有愁。憂不憂。何無憂。主上蒙塵盜賊橫。父子隔絕烽煙稠。壯士空家苦戰役。老弱十九生難求。杜老當此際。意速身悠悠。雲翻縮骨絆。風蹄局淹留。致君不能到。堯舜為臣未得同。伊周名列朝。官事難濟。誰能一笑伸眉頭。翰林本是駢鯨客。謫仙下落塵寰囚。醉中斜岸見天子。拔筆揮洒江河流。白璧不受青蠅點。脫羈囁傲吳山秋。玄霜清夜洗餘滓。世俗擾擾真蒼秋。瑤池玉府舊行處。安期為友盧鴻俦。黃塵際海飛不到。十二闌干明月樓。風風麒麟類。鶴犬豈有射狼當。路遊。贏得半生開口笑。葡萄酒酌玻璃醜。人間

遺早未欲稿。未願坐視沉良善。直鞭赤龍乘上帝。倒吸天漢噴神州。歲寒
松栢轉青翠。又看新月橫銀鈎。時乎時乎各有適。且須落魄莫奔丘。讀
杜老上韋文詩。六合風雲慘淡間。丈夫多笑誤儒冠。戲排趙壁韓為易。
笑却秦軍魯豈難。軒鏡上天昏霧破。隋珠投地夜光寒。死酬知己方無憾。
寧惜千金報一餐。讀工部詩。工部文章萬葉全。煥如星斗耀青天。差
居三百五篇後。傑出數千餘句前。良金美玉有定價。殘膏賸髓無窮年。當
時驅駕誰能並。只除太白騎鯨僊。少日曾師杜審言。青逾藍處得非難。
清雄騷雅隨情賦。遠近洪纖著意看。但風數篇真可老。九亡一字莫能安。
漫漫一似滄溟水。無限鯨鯨吸不乾。再讀杜詩。規矩方圓稱物施。運
斤風度見工師。千霄氣象動高興。際海波瀾生遠思。三月聞韶忘肉味。幾
年疑郢和巴詞。騷人盡在清光裏。恰似中秋月滿時。再錄杜詩。深造
入龍頂。初觀見海波。闊遠前輩少。沾溉後人多。地藏珠璣窟。天機錦綺梭。
元非著舍彩。文思自懸河。詩律嚴軍律。縱橫出沒齊。包荒一天大。望嶽
衆山低。句驟無淹韻。才開盡看題。數篇真可老。白壁滿幽棲。賊盜起如
草。戈矛森似林。窺身常迫難。感物不忘吟。關塞思君淚。乾坤許國心。敬傳
金石語。萬古比虞箴。讀百一詩。家中陳穀換新絲。肥馬輕裘富貴時。

永樂大典卷九百

寒女何曾未機杼。飢夫元不假耕籽。田文開卷三千客。應使徒吟百一詩。
欲教帝閭閻者。怨茫茫下土是誰司。讀相隱詩。山谷委蛇絕世塵。風
來蘭蕙發清芬。垂絲舞柳啼幽鳥。漱玉鳴泉躍細鱗。嶽頂卧觀滄海日。蘇
門嘯過太行雲。巖前松栢長青翠。不覺人間秋復春。讀東坡詩。翰林
工部俱云沒。天上詩仙更有誰。無滯曾懷長灑落。多才言語自新奇。南遊
大得江山助。北望逾驚牛斗卑。萬斛冷泉隨地有。決來應手作陂池。又
讀東坡詩。言有餘章動有儀。風流人物古今稀。自傳蘇氏文星耀。使覺
眉山秀氣微。春樹滿園堆錦繡。冷泉萬斛濕珠璣。眼看鴻鵠摩霄去。鷓鴣
無田共奮飛。讀山谷詩。清奇淡雅總功夫。句句冰霜字字珠。並舉鴻
方上霄漢。相忘魚已得江湖。筆端應有神靈助。言外全無翰墨拘。酒醒夢
回秋氣爽。似看明月在蓬壺。讀遺山詩。情發聲調節作文。溫柔敦厚
見詩真。離騷九變能堪尚。屈宋前頭更有人。兩岸桃花夾醉鄉。春江沙
渺月茫茫。謫仙詩思難籠罩。仰羨雲霄孤鳳凰。秋風夜雨布衣單。破屋
猶憂天下寒。不料世人多莽鹵。久教吾道屬艱難。雲霞閃爍動霓旌。舟
楫征聲震地聲。千里折衝歸指畫。將壇孫子獨論兵。劍氣從教化斗牛。
百川橫放海難收。九天直上無缺澤。更看銀河一派流。鶴揚清嘖過華

亭銀漢無聲轉玉繩。夢斷一軒明月在。令人心似玉壺冰。編排一字有高卑。就裏功夫作者知。自古文章貴辭達。蘇黃意在新奇。公論元無擅否臧。過情聲聞可承當。杜詩韓筆頗書字。不待人言自發揚。北里笙歌勸酒盃。南隣門巷冷如灰。秋風萬里方搖落。呼殺孤鴻春不迴。再讀遺山詩。人沒詩存重與看。芳馨不死比芝蘭。生前富貴雖平淡。身後文章已渺漫。蜀錦絲頭從此細。玉蓮山北思狂作。李詩世呂日他日日如夫。此句可引詩快。以此及之也。已歌韻脚自來寬。未言雪曲無人和。傅者幾希作者難。細讀遺山詩。句法縱橫得自由。清新俊逸出常流。天機雲錦三千段。月字星名四百州。未得深源傳正派。謾將鄙語入冥搜。何時五彩生肝脾。轉問江淹乞筆頭。一集新詩動九州。宮中才子謝冥搜。文章皆曰有司命。江漢自來無斷流。錦綉堆前難措手。琳琅窟裏懶迴眸。方營草舍遮風雨。誰敢添修五鳳樓。集諸家詩。好詩不在眼。俗語難留心。璞內可分玉。鑛中還得金。山尊春嶽大。水會滄溪深。妙曲含琴瑟。發揚期賞音。讀唐人詩。風雲飄逸意何連。金玉鏗鏘聲自清。蜀錦正驚裁剪碎。溫針還解貫穿成。苦吟應有秋蟲和。好句定隨春草生。六義班班風雅變。賴斯陶寫古今情。鳥覺大中言詩。李杜蘇黃韓與柳。六家詩體混

永樂大典卷九百

中珠篇篇得在功夫外。字字成於鍛鍊餘。便許後人翻格律。須將前輩作規模。擬心要到縱橫地。下手先開萬卷書。烈大爐中匠手橫。真金百鍊益精明。如君好事有幾箇。似我為人空半生。語不貴奇惟在當。事休涉誕只宜情。春花秋草疎條罷。造化無窮看混成。舜典後為三代接。關雎首向二南開。變風自衛漸如此。大雅至秦安在哉。蓋世雄文韓子學。驚人佳句杜陵才。詩家體面儒家法。豈曰無師討論來。愚有真誠告覺庵。詩家論句類禪參。粧塗必類青黃赤。墨塚元從一二三。獨立未能竿莫上。空行不解板須擔。佗年若契環虛處。別為達人作指南。近詩。詩如雜劇要鋪陳。遠自主珠近自親。本欲出場無好譯。茅閑幸句笑翻人。聽魏仲平誦詩。五雲宮闕隔三韓。塵世何人得往還。勁鶴豈辭天路遠。長鯨曾吸海濤乾。盡期王子登山頂。誰想麻姑在坐間。細嚼一言堪換骨。仙家壺內有靈丹。口號。眼大心雄志有餘。功名富貴不勞圖。癡癡休學小兒女。捉捉須為烈丈夫。天地五常元一理。廟堂三老豈多誤。閑來試把詩書看。道義分明見也無。自得共有詩。詩書味美淡功名。血氣方剛愛慎操。知所當然惟自得。勇於不敢復誰爭。海棠月上傾壺飲。楊柳風暈策杖行。春色無私人共有。關吟隔醉遠閑情。吟詩。七情荒泐難追雅。六義淪

永樂大典

卷九〇一

紛始變騷。句穩先須辨長短。字工端要定推激。言非精當功應少。意不包
含氣護高。脫手若能圓似彈。千迴萬轉任吟胡。惟裏吟情含古厚。胸中
造物混茫開。拈時輕快功夫到。倚處平常磨鍊來。騷雅清輝隨事賦。縱橫
長短可題裁。癖成未有驚人句。馬上意前愧不才。雜詠詩。漫與東風
作主人。栽培花草伴閒身。不辭接竹成高架。收拾薔薇一片春。洛川春
色幾時歸。漾漾清流照翠微。日暖雪消沙岸軟。鶯鶯相對不驚飛。樓上
鳴鐘報五更。濛濛深殿佛燈明。更無幽夢隨寒枕。聽徹松風到曉聲。雜
詠。五更殘夢一聲鐘。盡在膠膠擾擾中。世事倒流三峽水。人心橫隔九
疑峯。一時富貴求何晚。幾冊文書讀未終。盡日掩關塵垢裏。儘教奔走笑
疎慵。寄天空勞尺素書。投入多駭夜光珠。巫山搖落難藏處。渭水澄清
易見魚。未卧煙霞歸海島。欲栽桃李傍江湖。年來生計如何耳。留得床頭
幾冊書。檀帳蕭條靜看書。萬機那識此心虛。無才把事相料理。有酒將
愁總破除。巖下優游輪四皓。江邊憔悴笑三閭。從來渭水清如鏡。每殺直
鉤得幾魚。山峻孤城背夕陽。戍樓寒角送悲涼。巖陵不預風雲會。李白
那為粉墨場。投樹棲鴉千萬點。書空征鴈兩三行。興來賴有床頭酒。一曲
高歌入醉鄉。秋水澄澄照影孤。百年逆旅轉蓬廬。平生莫問鴛鴦計。憶

永樂大典卷九百

十五

遠須憑鴈寄書。北海鯨魚釣已重。中州麟鳳網猶疎。清愁萬丈千雲月。著
酒洗來自破除。萬家砧杵動長安。應念征人塞上寒。映月蘆花堆作雪。
經霜梨葉凍成丹。五株色敗門前柳。九畹香存院後蘭。秋思偏來攪骨次。
醒時長窄醉時寬。玉京爭上最高樓。佳節重逢九日秋。一別龍山風落
帽。幾逢鴈塞雪飛裘。今朝白酒人宜醉。明日黃花蝶也愁。獨對一壺酣飲
後。餘杯留著再扶頭。地確西北帝王州。一月登高那未休。紅葉黃花空
應節。蒼山白草不勝秋。寒風無謂頻吹面。破帽多情却戀頭。恰遇鄉人來
送酒。淵明不醉復何愁。織錦文章學不成。更堪斷句覓詩名。黃華陵麓
泣秋思。白酒良能解宿醒。月底關河家正遠。樓頭鼓角夢初驚。尺書寫下
逐慵寄。初動風前鴈一聲。山前滿目聚成團。汾水悠悠鴈北飛。一梳黃
梁新夢斷。千年華表昔人非。煙霞有路迷芳草。桃李無言笑落暉。明日征
鞍定何處。春光正好不思歸。郵經陵川集雜詩。縱橫十萬里。悠悠總世
塵。勞生為物役。性往失此身。對面皆九疑。惟有酒相親。花開社甕熟。春風
滿比鄰。痛飲有高曠。暮夜連旦晨。君看雜窠中。豈有百年人。種豆南山
歸。故日陟高嶺。雜田似蔬畦。編錯成野景。日夕卧柴荆。破屋風露冷。床頭
有餘醪。渴飲興味永。月出冰清輝。起舞動孤影。呼兒讀離騷。載酌幽懷驕。

醉眠踏曉日。獨樂靜中靜。天今端可樂。物情孰能量。開軒受西風。明月照我房。悠然中聖人。載酌夜未央。哀鴻忽遺音。感事昔隨陽。遂令不飲人。反側斷中腸。三代祇周孔。漢末有佛老。汨真復翔偽。弄性遂不保。溟涓混濁清。原隰易濕燥。世多喪心人。死病不辨早。消滴成江河。毫末遠合抱。六合一條荒。浪走無正道。丹山九米鳳。有道即游豫。阿閭與岐山。和鳴復高齋。一從休德衰。轉翮遽揚去。高賢亦遠亂。好遊有深慮。冒出犯難行。宵人肯爾恕。切安遠海居。龐公鹿門住。條然遠世塵。豈復有憂懼。展禽無不去。子文無溫喜。爭如卧雲憲。遠棄人間事。淵明偶來帶。初無仕宦意。酒熱遠告歸。佳期恐難值。散髮山月清。濯足溪流駛。把菊見南山。物我兩廢置。大道初坦平。奈此世路迫。劫灰到重泉。兵塵滿阡陌。乾坤一戰場。血盡骨更白。何處著此身。重覺天宇窄。獨立萬物表。祇有雲門客。弋人忘冥鴻。此中是安宅。道人守化根。靜境深苞桑。單衣不掩肘。一食恒稽顙。何心到文編。更不顧青梁。真風出樊籠。太和盛元陽。中襟既忘幾。外物莫能傷。矯矯群群倫。宛在天一方。尊中有奇樂。一詠復一觴。西北有佳人。飄飄若雲端。悠悠與神俱。冉冉從化遷。偶來住人境。結廬青山顛。更不煙火食。祇把晨露餐。我欲從之遊。路遠榮塵緣。迥然歌紫芝。重寄歸來篇。

永樂大典卷九百

聖作尚簡易。古道皆若稽。叔季私煩苛。平地生巖崖。生民入苦獲。慘慘傷予懷。孰能與蠲除。變亂益盈備。神農設教益。庖犧初取離。靡不漏吞舟。豈能強冒竊。謀利因晉商。遂使天質虧。夷則弛夷律。靡靡高天涼。我作清夜遊。步月上河梁。蛩吟煙露根。鴈翔風水鄉。商聲歎孤衷。銀漢零飛霜。向不酌酒樽。奈此秋興長。漢風吹竹花。石壁墜松子。山氣清入骨。雲蟠時猶倚。奕奕靜中趣。超超物外理。趙孟頫松雪齋集雜詩。四時更代謝。物化常隨之。春華曾幾何。歲月忽如茲。嚴風動高樹。百草俱已衰。人生况有役。憂患乃其且。棄捐勿復念。出入由化機。安得松喬術。逸焉世相違。絕句。春寒惻惻掩重門。金鴨香殘火尚溫。燕子不來花又落。一庭風雨自黃昏。相簾細織浪紋稀。白苧新裁暑氣微。庭院日長賓客退。滿池芳草燕交飛。桂落山川草樹稀。白雲時逐鴈南飛。苦無綠酒酬佳日。猶有黃花媚夕暉。梅花半落雪飄零。楊柳青青江水生。一夜東風吹鴈過。江南江北總多情。陳旌安雅堂集題楊顯民米詩卷後。夢游洞庭野。斜月映疎星。軒后來張樂。伶倫吹鳳笙。夢回憶其音。幽眇有餘清。或竹學作聲。向人皆不聽。東南有高士。洗耳卧巖高。涼風鳴松林。石澗響琤琮。何日即與語。曠焉千古情。向余在京師。有詩寄揚州陳新甫云。東華塵土滿貂裘。

芍藥園邊繫綵舟二十四橋春似海令人腸斷憶揚州。比新甫未錢塘索
余更作三首。天下英賢皆願仕山中。隱者盡登朝。淮南春草無端綠。公
子歸來不可招。別來春夢繞東城。華屋銀尊對雪晴。坐客風流誰得似
啼鴛新曲度閒情。去年病客卧淮船。故人不來心惘然。今年過我即復
去。夕陽離外馬翩翩。白南恩詩。白侯忠信多才畧。故遣分符到海涯。
西漢幾人循吏傳。南恩十載去思碑。閩閩安輯科徭省。城野高深盜賊衰。
人望次公今柄用。公名寧損蒞民時。許左丞游衡湘。泛琅玕江。至東岡。
書院鳳山。山長何明初來謁。公為詩與之時。公被召還朝。而明初携所得
詩來京師。居數月南還。公屬余次韻於卷末。鄴侯謾愛衡湘好。出處那
能恹願私。詔使已辭龍尾道。相君方寫鳳山詩。堂依翠篠川如玉。坐列華
簪室有芝。東閣只今文物盛。幽人何事嘆歸遲。題白玉壺贈劉丹晨暑
月詩後。玉塘先生列仙儒。夙昔夢見冰雪如。丹晨不比劉師服。彌明本
解人間書。紫清午榻松陰冷。俯視塵寰真大井。銀河夜靜浴明月。水風吹
落玄雲影。玄雲盤屈龍虎章。百神守之不敢將。友人記余少作因錄之。
漢村積水生寒煙。書廬睡起清明天。隔溪暮哭人飯鬼。膝間燒錢野風
起。酒旗山前雨踈踈。來禽花低飛鷓鴣。荒墳紫雲出新草。草長如人人又

永樂大典卷九百一

七

老。東門大道青楊間。可憐車馬無時閒。藏六詩為林恬齋作。禹燥中
野。鳩歛洛流水。青黃背時錯。五舍九六中算約。舉六藏之九斯作。人言天
地猶素喬。陽氣流行卷旁薄。蛇甘即且蝟辱鵲。子能
深。攷有真樂。陽精純凝乃脫郭。掉頭不肯更床脚。

永樂大典卷之九百一